

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 73-33-4-25419-3 od 05.08.2026.godine, Generalni direktor donosi:

ODLUKU

o izboru najpovoljnijeg ponuđača za

„Usluge mikrobiološke analize vode za dijalizu, vode u kuhinji i Galenskom laboratoriju“

I

Prihvata se prijedlog Komisije za javnu nabavku, **Izvještaj broj 73-33-4-25419-3 od 05.08.2026.godine**, za postupak **„Usluga mikrobiološke analize vode za dijalizu, vode u kuhinji i Galenskom laboratoriju“**, nakon provedenog konkurentskog zahtjeva sa Obavještenjem o nabavci broj 893-7-2-366-3-838/26 od 20.07.2026.godine, da se donese Odluka o izboru najpovoljnijeg ponuđača i **okvirni sporazum u trajanju od 12 (dvanaest) mjeseci** dodjeli ponuđaču **J.U. Zavod za javno zdravstvo KS**, u iznosu **od 10.000,00 KM bez PDV-a**, a sve prema dostavljenoj ponudi broj 05.13.106-7175/26 od 30.07.2026.godine (KCUS broj 10-11-3-25316 od 28.07.2026.godine), odnosno prema jediničnim cijenama iz navedene ponude.

Osnovni elementi okvirnog sporazuma:

- Ukupna vrijednost sporazuma: **10.000,00 KM bez PDV-a**, jer se na usluge koje su predmet Okvirnog sporazuma u skladu sa čl.24. st.1. tačka 2. Zakona o PDV (Sl.glasnik BiH br. 9/05 i 35/05) i člana 25 st.1. Pravilnika o primjeni Zakona o PDV-u (Sl.gl. br. 52/05) ne plaća porez na dodatnu vrijednost;
- Cijene su nepromjenjive za cijeli ugovoreni period odnosno do utroška maksimalne ugovorene vrijednosti sporazuma;
- Plaćanje ugovorenih obaveza vršit će se odgođeno u roku **30 dana** od dana pružanja usluge i okončanja svih ugovorenih obaveza, te ispostavljanja fakture;
- Okvirni sporazum se zaključuje na period od 12 mjeseci odnosno do utroška maksimalne planirane finansijske vrijednosti;

II

Izabrani ponuđač **J.U. Zavod za javno zdravstvo KS**, sa sjedištem u ulici dr. Mustafe Pintola br. 1. 71 210 Ilidža, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14, 59/22 i 50/24), te iste nije u obavezi ponovno dostavljati.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

O B R A Z L O Ž E N J E

U skladu sa Odlukom o pokretanju postupka javne nabavke broj 73-04-4-17280-2 od 13.07.2026. godine, pokrenut je postupak za **„Usluge mikrobiološke analize vode za dijalizu, vode u kuhinji i Galenskom laboratoriju“**. Procijenjena vrijednost nabavke iznosi **10.000,00 KM bez uračunatog PDV-a**, a sredstava su planirana Planom javnih nabavki za 2026.godinu, pod klasifikacijom **Usluge, redni broj 124**. (Odluka o usvajanju Plana JN KCUS-a za 2026.godinu, broj protokola 65-04-2-4149 od 03.02.2026.godine).

Predviđeno je zaključivanje okvirnog sporazuma na period od 12 (dvanaest) mjeseci, a uslovi plaćanja predviđeni za postupak nabavke su odgođeno plaćanje 30 dana po ispostavljenom računu (na osnovu akta Sektora za finansijsko, knjigovodstvene i planske poslove broj 56-11-3-4944 od 09.02.2026.godine). Za navedeni postupak nabavke je predviđeno provođenje e-aukcije.

Prema tenderskoj dokumentaciji kriterij vrednovanja ponuda je najniža cijena i na osnovu obavještenja objavljenog na portalu AJN od 20.07.2026.godine, tendersku dokumentaciju za postupak javne nabavke preuzelo je 7 (sedam) potencijalnih ponuđača, a do vremena naznačenog u Obavještenju o nabavci broj 893-7-2-366-3-838/26 od 20.07.2026 do 09:30 sati na Protokol KCUS-a blagovremeno su dostavljene 2 (dvije) ponude, što je evidentirano i Zapisnikom o zaprimanju ponuda broj 73-33-4-25419 od 04.08.2026.godine:

Redni broj ponude	1.	2.
Naziv ponuđača	Euro inspekt d.o.o Sarajevo	J.U.Zavod za javno zdravstvo KS
Broj i datum ponude	120/26 od 31.07.2026.g	05.13.106-7175/26 od 30.07.2026.g.
KCUS broj, datum i vrijeme prispjeća ponude	10-11-3-25168 od 31.07.2026.godine u 12:42h	10-11-3-25316 od 03.08.2026.godine u 12:32h
Cijena ponude bez PDV-a (KM)	9.960,00	9.840,00

Zbog specifičnosti predmetne nabavke Ugovorni organ je Tehničkom specifikacijom dao okvirnu količinu predmetnih usluga, odnosno nije definisao tačnu količinu/obim potrebnih usluga, jer nije moguće predvidjeti i odrediti tačne količine navedenih usluga za potrebe KCUS-a u vrijeme trajanja okvirnog sporazuma (12 mjeseci), te stoga zbir jediničnih cijena svih usluga traženih

tehničkom specifikacijom prikazanih u prethodnoj tabeli predstavlja osnovu/iznos koji će služiti za odabir najpovoljnije ponude u slučaju prijema dvije ili više ponuda kao i u provođenju postupka e-aukcije, a okvirni sporazum se zaključuje u skladu sa osiguranim/obezbjedenim finasijskim sredstvima za ovu predmetnu nabavku u iznosu od 10.000,00 KM bez PDV-a, te uzimajući u obzir činjenicu da se radi o okvirnom sporazumu koji će se realizovati putem pojedinačnih ugovora, ugovorni organ će prilikom potpisivanja istih definisati tačne količine usluga.

Analiza dostavljene ponude

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom broj 73-04-4-24999 od 29.07.2026.godine, je detaljnom analizom dostavljene dokumentacije za predmetni postupak nabavke, Zapisnikom o pregledu i ocjeni ponuda broj 73-33-4-25419-2 od 04.08.2026.godine, konstatovala da:

1. Ponuda ponuđača **J.U. Zavod za javno zdravstvo KS, ispunjava formalno-pravne i tehničke zahtjeve** koji su traženi tenderskom dokumentacijom, te je ista ocjenjena kao **PRIHVATLJIVA** i **može učestvovati u daljem toku natjecanja.**
2. Ponuda ponuđača **Euroinspekt d.o.o. Sarajevo**, iako ispunjava formalno-pravne zahtjeve koji su traženi tenderskom dokumentacijom, je ocjenjena kao **NEPRIHVATLJIVA iz razloga što nije dostavljena u skladu sa tenderskom dokumentacijom i ne može učestvovati u daljem toku natjecanja.**

U skladu sa navedenim Komisija je donijela slijedeće zaključke:

- **Podaci o pojašnjenju, u skladu sa članom 68. stav (3) Zakona:**
Tokom postupka pregleda i ocjene ponuda nije primijenjen institut pojašnjenja u skladu sa članom 68. stav (3) Zakona.
- **Podaci o ispravkama, ukoliko su isti uočeni u ponudi i koji su urađeni na način da su vidljivi (ispravljeni podaci moraju biti vidljivi), potvrđeni potpisom ponuđača i sa datumom izvršene ispravke**
Nije bilo podataka o ispravkama.
- **Naziv i sjedište ponuđača čije ponude se odbijaju na osnovu rezultata pregleda i ocjene ponuda, i obrazloženje:**

Ponuda ponuđača Euroinspekt d.o.o Sarajevo, ne ispunjava sve uslove i zahtjeve propisane tenderskom dokumentacijom, u kojoj je propisano da je ponuđač dužan uskladiti **predmet nabavke s odredbama člana 24.** Pravilnika o uvjetima u pogledu prostora, kadra i medicinsko – tehničke opreme za osnivanje i organizaciju rada zdravstvenih ustanova koje obavljaju djelatnost dijalize (Sl. novine FBiH, br. 89/11, 101/14, 1/18 i 21/22). Navedenim članom propisano je da fizikalno-hemijski kvalitet vode u zdravstvenim ustanovama ispituju zavodi za javno zdravstvo u Federaciji BiH najmanje jednom godišnje, a po potrebi i češće.

Također, u tenderskoj dokumentaciji je predviđena mogućnost podugovaranja, a ponuđač Euroinspekt d.o.o Sarajevo, **nije dostavio izjavu niti drugi odgovarajući dokument** kojim potvrđuje da će predmetnu uslugu izvršavati putem podugovaranja, u skladu sa zahtjevima tenderske dokumentacije.

Cijeneći sve prethodno navedeno i detaljno obrazloženo, Komisija konstatuje da je ponuda ponuđača Euroinspekt d.o.o.Sarajevo, sa sjedištem u ulici Hamdije Kreševljakovića 16, 71000 Sarajevo, ponuda broj: 120/26 od 31.07.2026 godine, sa ponudnom cijenom bez PDV-a u iznosu od 9.960,00KM NEPOTPUNA I NEKVALIFIKOVANA za dalji tok nabavke, te se ista ODBACUJE kao neprihvatljiva.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, (Službeni glasnik BiH br. 80/23) član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, Komisija predlaže da se za „**Usluge mikrobiološke analize vode za dijalizu, vode u kuhinji i Galenskom laboratoriju**“ postupak okonča u skladu sa članom 69. 1) a) ZJN (Sl.glasnik BiH br. 39/14, 59/22 i 50/24).

Obzirom da je u navedenom postupku nabavke zadovoljena transparentnost, Komisija je jednoglasno dala prijedlog Ugovornom organu putem **Izvještaja broj 73-33-4-25419-3 od 05.08.2026.godine**, da se nakon provedenog konkurentskog zahtjeva sa Obavještenjem o nabavci broj 893-7-2-366-3-838/26 od 20.07.2026.godine, za „**Usluge mikrobiološke analize vode za dijalizu, vode u kuhinji i Galenskom laboratoriju**“ donese Odluka o izboru najpovoljnijeg ponuđača i **okvirni sporazum u trajanju od 12 (dvanaest) mjeseci** dodjeli ponuđaču **J.U. Zavod za javno zdravstvo KS**, u iznosu **od 10.000,00 KM bez PDV-a**, u skladu sa osiguranim/obezbjedenim sredstvima za ovaj postupak nabavke, a sve prema dostavljenoj ponudi broj 05.13.106-7175/26 od 30.07.2026.godine (KCUS broj 10-11-3-25316 od 28.07.2026.godine), odnosno prema jediničnim cijenama iz navedene ponude.

Prijedlog Komisije je prihvaćen i donijeta je odluka kao u dispozitivu.



GENERALNI DIREKTOR KCUS-a

Prim. doc. dr. sc. med. Alen Pilav

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri, te u skladu sa izmjenama i dopunama Zakona o javnim nabavkama, („Službeni glasnik BiH“, br. 50/24), Žalitelj je obavezan dostaviti validan dokaz o plaćenju naknadi za pokretanje žalbenog postupka